

Le'ec Ada' a Carta u Tz'iibtaj aj Pablo Ti'i aj Filemon.

Aj Pablojo, tan u tz'iib ti'i aj Filemon.

¹ Inen aj Pablojo. Que'enen ti presoñil u men walac in betic u meyaj a Jesucristojo. Inen in wet'oc aj hermano Timoteojo, tan ti tz'iibtic a carta ada' ti'i tech Filemon. Yaj in wu'yeech. Walac ilic a betic u meyaj a Noochtziili.*

² Tan ilic in tz'iibtic a carta ada' ti'i ix hermana Apia. Tan ilic in tz'iibtic a carta ada' ti'i ti wetmeyaj aj Arquipo.

Pues te'i. Filemon, tan ilic in tz'iibtic a carta ada' ti'i boon a hermano a walacoo' u much'tal ichil a wotocho.*

³ In c'ati a Dios ti Tat u yet'oc a Noochtzil a Jesucristo ca' u yaante'exe. In c'ati ilic ca' u tz'aa' te'ex a jetz'a'an-oolili.*

Aj Filemono, yaj u yuboo' a hermanojo.

⁴ Pues te'i. Filemon, le'ec ti tan in c'ajsic a Dios ta woc'olo, ma' ta'ach in p'ütic in wadic a bo'tic ti'i a Dioso.*

⁵ Walac in betic abe' u men walac in wu'yic ti yaj a wu'yi tulacaloo' a hermanojo. Tu jajil que'en a wool tu pach a Noochtzil a Jesusu.*

⁶ Incheche, walac a wadic ti'ijoo' a cristiano bigui ti que'en a wool tu pach a Cristojo. Inene,

* **1:1** Ef 4:1; 2 Ti 1:8; Fil 2:25 * **1:2** Col 4:17; Ro 16:5; 1 Co 16:19

* **1:3** Ef 1:2 * **1:4** 1 Ta 1:2; 2 Ta 1:3; Col 1:4 * **1:5** Ef 1:15; 1 Jn

3:23

walac in c'ajsic a Dios yoc'oloo' a cristiano abe' a tanoo' u yubic a t'an. Walac in c'aatic ca' u yeeltoo' boon a qui'il a yan to'on u men a Cristojo.*

⁷ Qui'aji in wool u men yaj a wu'yoo' boon tuul a hermanojo. Hermano Filemon, yanajoo' u muc' u t'an a hermano abe' u men c'u' a walac a betiqui.*

Aj Pablojo, u c'aataj u c'ümbül tu qui'il aj Onesimo, le'ec u q'uexbil mozo aj Filemon a puutziji.

⁸ Pues te'i. Filemon, tan in wadic tech. Nooch in meyaj u men a Cristojo. Jede'ec u paatal in wadic tech c'u' a yan a betiqui.*

⁹ C'u' betiqui, yaj in wu'yeech, mentücü, mas qui' tin wich chen in c'aatic tech wa qui' ta wich a betic abe'e. Inen aj Pablojo. Noochwiniquen tun ti qui'. Que'enen ti presoijil aleebe, u men walac in betic u meyaj a Jesucristojo.

¹⁰ In c'ati ca' a bete' ten jun p'eel qui'il yoc'ol aj Onesimojo. Ala'aji, jabix in mejene. In wadaj u pectzil a Cristo ti'i le'ec ti que'enen ti presoijili. U c'ümaj, mentücü, joq'ui ten ti jabixen u tata.*

¹¹ Biq'uin ado'o, le'ec ti que'en to ta wetele, ma'ax c'u' aj beel tech ala'aji. C'u' betic aleebe, c'abeet tech ala'aji. C'abeet ilic ten.

¹² Tan in tücaa'tic ala'i ca' xi'ic ta wetel tucaye'il. Yaj in wu'yi ala'aji. C'ümü jabix ilic cuchi tan a c'ümiquene.

¹³ Que'enen ti presoijil u men walac in betic u meyaj a Noochtziili. In c'atiintaj cuchi ca' culac aj Onesimo tin wetel ca' u yaanteen le'ec boon q'uin

* **1:6** Fil 1:9 * **1:7** 2 Co 7:13; 2 Ti 1:16 * **1:8** 2 Co 3:12; 1 Ta 2:6

* **1:10** Col 4:9; 1 Co 4:15; Ga 4:19

que'enen wa'ye'e. Ti baalo'o, tan u joc'ol jabix oqui ala'i ta jelil tanil u yaantiquen.*

14 C'u' betiqui, ma' in c'ati in woques ta jelil wa ma' in c'aatic tech payanbej. Ti baalo'o, tan a betic ten jun p'eel qui'il chen u men joc'a'an ta wool, ma' u men tan in tz'eec tech ca' a bete' abe'i.*

15 Pues te'i. Uchac joq'ui aj Onesimo ta wetel jun p'e rato ti'i ca' usc'ac tucaye' ti cuntal jumpul ta wetel.*

16 Tan u ca' cuntal ta wetel ma' ca' chen jabix q'uexbil mozoji. Mas c'abeet aleebe tuwich a ca'ax macac ti q'uexbil mozojili. Tan u ca' cuntal ti hermanojil. Yajtzil ala'aji. Yaj ilic in wu'yi inene. Bel a ca'a a mas c'atiinte ala'aji, ma' ca' chen jabix a waj meyaji. Bel a ca'a a c'atiinte jabix a hermanajo.*

17 Pues te'i. Wa tan a tuclit ti inchech in wettz'ocsaj t'ana, c'ümü ala'i jabix ilic cuchi tan a c'ümiquene.*

18 ¿U cho'ajech wa? ¿Yan wa u p'ax tech? Wa yan abe'e, tz'aj ti'i in p'ax inene.

19 Inen aj Pablojo. Inen tan in tz'iibtic ada'a. Bel in q'uin bo'te a p'ax abe'e. C'u' betiqui, ma' tan in wadic tech boon a p'ax ten u men in wadaj tech u cuentajil a cuxtal a c'ümaja.

20 Hermano, bete ten a qui'il in c'aataj yoc'ol aj Onesimojo. Qui'cunte in wool ti baalo' u men ti'ijo'on a Cristojo.

21 Pues te'i. Jetz'a'an in wool u men in weel ti bel a ca'a a tz'oques in t'an. Le'ec ti tan in tz'iibtic a

* **1:13** 1 Co 16:17; Fil 2:30 * **1:14** 1 Cr 29:17; Sal 110:3; 2 Co 8:12; 2 Co 9:7; 1 P 5:2 * **1:15** Gn 45:5,8; Ro 8:28 * **1:16** Mt 23:8; 1 Ti 6:2; Ef 6:5-7; Col 3:22 * **1:17** 2 Co 8:23

carta ada'a, in weel ti bel a ca'a a bete' ti mas yaab
tuwich a c'u' in c'ati ca' a bete'e.*

²² Le'ec ti tan a betic ten a qui'il ti'i aj Onesimojo,
utzquinte ten a cuarto ti'i in posadojo. Le'ec a
Dioso, uchac u cha'ic in ca' beel ti sut ta wetele'ex
jabix ilic ti tane'ex a c'aatic ti'iji.*

Ujabeeb u t'an.

²³ Pues te'i. Le'ec aj Epafrasa, walac ilic u betic u
meyaj a Jesucristojo. Jadi' ala'i in wetpresojil. Tan
u diostac'untiquech.*

²⁴ Tanoo' ilic u diostac'untiquech in wetmeyaj
le'ec aj Marcos, aj Aristarco, aj Demas y aj Lucas.*

²⁵ In c'ati a Noochtzil a Jesucristo ca' u
yaante'exe. Wa'ye' jobi in t'an.

* **1:21** 2 Co 2:3; 2 Co 7:16; 2 Co 8:22 * **1:22** Fil 1:25; 2 Co 1:11

* **1:23** Col 1:7 * **1:24** Hch 12:12; Hch 19:29; Col 4:14; 2 Ti 4:11

**Le'ec Ada' U T'an A Dios A Tumulbene
New Testament in Maya, Mopán (BH:mop:Maya,
Mopán)**

copyright © 2012 Wycliffe Bible Translators, Inc.

Language: Maya, Mopán

Translation by: Wycliffe Bible Translators, Inc.

Maya, Mopán [mop], Belize

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maya, Mopán

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

f4f68abd-839f-57a3-9446-c97f5b743f47